

January 2015




UNIVERSITI
TEKNOLOGI MARA
SARAWAK

th
ISSUE

69 info kampus

UITM SARAWAK BULLETIN



LAWATAN AKADEMIK KE MAHA 2014, UPM DAN LEMBAGA SAWIT MALAYSIA (MPOB)

Oleh: Nurshahera Binti Milin dan Rosina Binti Baadu

Pada 26 - 29 November 2014, seramai 3 orang pensyarah diketuai oleh En. Sulaiman Man dan dua orang pensyarah pengiring iaitu Puan Hasmah Mohidin dan Cik Zubaidah Yusop serta 36 orang pelajar Ijazah Sarjana Muda Sains (Kepujian) Teknologi dan Pengurusan Perladangan telah mengadakan lawatan akademik ke Malaysian Agriculture, Horticulture and Agrotourism (MAHA) 2014, Universiti Putra Malaysia (UPM) dan Malaysian Palm Oil Board (MPOB).

Objektif lawatan ke MAHA 2014 adalah untuk mendedahkan pelajar dengan perkembangan terkini agro-makanan dan industri asas tani di Malaysia, meningkatkan kefahaman pelajar mengenai hala tuju agro-makanan dan perniagaan asas tani, dan menggalakkan dan mendorong pembangunan pelajar dalam agro-makanan dan industri asas tani. Lawatan ke UPM pula bertujuan untuk memberi pendedahan kepada pelajar tentang kaedah pemprosesan susu segar dan cara untuk menjinakkan dan penjagaan kuda, dan memberi maklumat tentang kaedah penanaman tomato secara fertigasi dan kaedah pembiakan cendawan tiram kelabu secara praktikal. Lawatan ke Lembaga Sawit Malaysia (MPOB) pula diharap memberikan pelajar maklumat lebih terperinci tentang kajian penyelidikan penyakit sawit yang dikendalikan oleh UNIT GanoDROP, memberi pendedahan kepada pelajar tentang pengesanan awal *Ganoderma* menggunakan kaedah biosensor dan remote sensing, dan memberi maklumat kepada pelajar tentang pengawalan *Ganoderma* dengan kaedah kawalan kultur, biologi dan penggunaan bahan kimia.

Lawatan seperti ini merupakan satu kaedah yang mampu memberikan banyak maklumat yang bermanfaat kepada pelajar yang mana boleh diaplikasikan dalam pembelajaran dan di masa hadapan. Lawatan ke agensi kerajaan seperti Lembaga Sawit Malaysia (MPOB) telah banyak memberikan maklumat baru kepada pelajar tentang tumbuhan utama tanaman sawit serta penyelidikan terkini penyakit sawit di Malaysia. Selain daripada itu, lawatan ke MAHA 2014 turut meningkatkan lagi pengetahuan kami tentang asas tani, teknologi dan inovasi, perniagaan pertanian, agro-pelancongan dan agro-gaya muda. Maklumat seperti ini adalah sangat penting bagi generasi muda yang bakal menjayakan pertanian pada masa hadapan. Di samping itu, lawatan ke Universiti Putra Malaysia turut menyajikan peserta rombongan tentang ilmu-ilmu yang bermanfaat yang boleh diaplikasikan seperti penghasilan cendawan.



Lawatan ke tapak MAHA 2014.

Lawatan Sambil Belajar Ke Loji Rawatan Air Slabi, Serian

Pada 13 Ogos 2014, satu lawatan sambil belajar telah diadakan di Loji Rawatan Air Slabi, Serian. Di antara mereka yang terlibat adalah kesemua pelajar Diploma Kejuruteraan Awam yang mengambil kod kursus ECW311, pensyarah-pensyarah fakulti tersebut serta kakitangan JKR Serian. Program ini dikendalikan dalam bentuk taklimat dan lawatan tapak oleh pihak JKR Serian. Di antara objektif yang berjaya dicapai adalah mengukuhkan pemahaman pelajar mengenai proses rawatan air, di mana para pelajar telah diberikan taklimat dan juga demonstrasi mengenai cara pengendalian loji dan juga ujian kualiti air oleh kakitangan JKR Serian yang berpengalaman.



LAWATAN AKADEMIK KE INDUSTRI SAINS TEKNOLOGI DAN INOVATIF

Oleh: Noor Aishah binti Zainiar

Lawatan Akademik Ke Industri Sains Teknologi Dan Inovatif pada 5 hingga 8 Ogos 2014 ke Cyberjaya, Selangor dan Kuala Lumpur merupakan salah satu daripada aktiviti mahasiswa dan mahasiswi semester akhir jurusan Diploma Sains Komputer. Ianya bertujuan untuk melengkapkan diri mahasiswa dan mahasiswi dengan kemahiran-kemahiran ilmiah kreatif, inovasi dan komunikasi. Aktiviti lawatan akademik yang disertai oleh 24 pelajar ini telah dijalankan bagi memberi pendedahan kepada mahasiswa dan mahasiswi Diploma Sains Komputer mengenai senario dan pengalaman yang sebenar dalam pekerjaan dan sistem pengurusan sesebuah syarikat. Di antara aktiviti-aktiviti yang dijalankan adalah lawatan ke Petrosains dan PETRONAS Twin Towers, Jalan Tunku Abdul Rahman, Berjaya Times Square, Planetarium Negara, Muzium Negara, I-City Shah Alam dan Multimedia University.





UNIVERSITI
TEKNOLOGI MARA
SARAWAK

Corporate Communications & International Relations

**Universiti Teknologi MARA Sarawak
Jalan Meranek, 94300 Kota Samarahan,
Peti Surat 1258, 93312 Kuching,
Sarawak, Malaysia**

**Tel: 082 - 677 200 | Fax: 082 - 677 300
E-mail: corporate@sarawak.uitm.edu.my
www.sarawak.uitm.edu.my**